

2053

LITURGICI.

2054

*Constantina* & congregati sunt ante ipsum omnis multitudo ciuitatis &c. Produxere *Bollandiani* T. VI. Jul. ad h. d. Acta scripta ab *Jac. Sarugiensi*, *Greg. Turonensi*, et e Graeco versa a *Surio*. Praeterea p. 385. meminere Latinorum aliquot a se in *Codd. repertorum*, sed nostra phrasi cum nullis penitus conveniunt.

XIII. fol. 107. p. 2. Incipit *Sermo De Confusione Diaboli Et Inferni*. Narratio conficta ad imitationem spurii *Evangelii Nicodemii* occasione promta e C. ejus XX. ut habetur in *Fabricii Codice Apocr. N. T.* p. 279. ubi Diabolus e verbis Servatoris: *Tristis est anima mea usque ad mortem, spem conceperat eum vincendi et in inferno concludendi*. Itaque init: *Audiens diabolus dominum dicentem: Tristis est anima mea usque ad mortem, speravit se, quia mortem uel crucem pertimesceret, & cepit presumptus fieri. Currens abiit ad infernum et dixit ei. Paratus esto, para mihi locum munitum, ubi recludamus eum, qui dicitur ihesus.* &c. Multa deinceps conquestus de iis, quae Christus in corporibus et mentibus hominum mira patrauerat, non potuit tamen Infernum in suam sententiam pertrahere. Et en Victorem claustra perfringentem, et animas Patrum in Paradisum inducentem, qui latronem jam ibi repertum ridicule interrogant: *Nunquid hic ad furtum venisti facere?*

DCCCXXXII.

Codex membraneus lat. Sec. R. 3351  
XIV. Folior. 59. 12. bene scriptus et minio enotatus *Rituale* est, cujus contentorum Syllabum texam: Initia IV. *Evangeliorum* tardius praescripta cum *Collecta* super agros. Ritus *Baptismi* capite mutilus. *Ordo ad visitandum infirmum* cum administratione extremae Unctionis, sine mentione renum. *Ordo ad sepulturam*. *Benedictio super amorem Jobannis*, contra venena, in qua pro *subietta rana*, quod habet alter Codex hoc *Vol.* relatus, habetur *subdola*, et *squalangus* pro *spalangus*. *Ordo consecrationis cereorum* in festo Purificatae Virginis. *Maior benedictio salis in die sancti Blasii Ep.* cum Exorcismis Salis et Aquae. *Benedictio ad mulieres iacentes in partu*. *Benedictio ad introvizandum mulieres post partum*, nempe introducendas in Ecclesiam. *Benedictio Cinerum*, nempe in Capite Jejunii. *Ordo in die Palmarum*. *Ordo in parascheue*. *Visitacio sepulchri in Nocte paschatis*. *Benedictio agni in die paschatis*; ita et Lardi et cujusvis carnis, cafei, ovorum, panis, porri et caepae. *Ordo in vigilia Penthecostes*. *Ad faciendum militem*, cum traditione vexilli et ensis. *Benedictio super uolentes peregrinari*. Item *super cruce signatos*. *Benedictio ad carrenarios*, sive poenitentiam 40. dierum suscipientes, quae *Quadragera*, *Carena*, *Carrena*, *Carina* audit, et illustratur in *Glossar. Ducangii*. *Ordo absolutionis ex-*

Denis Codd. Theol. V. II. P. III.

S

com-

*communicatorum. Benedictio sacri habitus virginum. Item super uestes viduarum, que castitatem profitentur.*

## DCCCXXXIII.

U. 672 Codex chartaceus lat. Sec. XIV. Folior. 109. 4. nitide a prima manu perscriptus et rubricis distinctus est alterum Exemplar Ordinis sue breuiarii de ecclesiasticis obseruationibus quid legendum et cantandum sit per circulum anni secundum patauensem ecclesiam; sed mature delatum Viennam, quae tunc huic Ecclesiae suberat, a secunda manu multas per margines Notas recepit, quibus subplentur, quae vel Passavii tardius ordinata sunt, vel quae Viennae in celebrandis Festis observabantur Sec. XV. in eunte. Ita fol. 35. p. 2. Notandum quod Reuerendus in christo pater et dominus Dominus Georius de hachloch (Hohenlohe) episcopus patav. vna cum venerabili suo capitulo Anno domini M°. CCCC. IV°. die mensis nouembris XII. pie statuit, ut omnes et singuli Presbiteri seculares cuiuscunque status gradus et conditionis existant, in ciuitate et dyoc. patav. vbilibet constituti deinceps singulis septimanis semel Sancti protomartiris stephani ecclesie patav. patroni officium diurnum et nocturnum cum IX. lectionibus solempniter perpetuis futuris temporibus sub sancte obedientie virtute peragere debeant, nisi impediret officii

um commemorationis beate marie virginis in Nycena synodo singulis septimanis statutum &c. De qua hic Synodo sermo fit, non video; in neutra enim Oecumenica aliquid eiusmodi statutum reperi Fol. 37. notatur: *Fit magnus conuentus ligonistarum an dem hoff.* Ad an. 1514. id pertinere censeo, quo mense Majo violentae Academicos inter et Vinitores urbis tunc adcolas vulgo Hauer rixae ferebant, ut refertur in *Conspectu Hist. Univ. Vien. Sec. II. p. 83. Fol. 67. p. 2.* ad Festum Theophoriae: *Missam tenetur officiare Abbas melicen. vel dignior post eum de professis suis, quod si non fecerit, tenetur capitulo certam penam solvere.* Eodem loco notatur, Ordinem Supplicationis ea die instituendae haberi in ultimo fol. Fol. 76. *Abbas de gleinck (Glunicensis O. S. B.) vel dignior post eum tenetur in vigilia Iohannis baptiste interesse vesperis et in die officiare priorem missam — sub pena XLII. Libb. que cedere debent canonicis et capellanis tunc presentibus, et hec pecunia debet dari de ecclesia in Hedershofen ob hoc eis data. Sed eodem die Missam publicam tenetur Abbas Chotwycen. vel dignior post eum officiare sub pena 2. marcarum puri argenti ad custodiam uel fabricam soluendarum. Item fol. 99. p. 2. In die sancti Martini prepositus de sancto Ypolito uel dignior post eum tenetur officiare et dare preposito nostro aureum anulum uel III. florenos. Et ita sparsim plura, quae demonstrant,*